

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

經部
第一四九冊

責任編輯：孫言誠 賀 偉

ISBN 7-5333-0580-9



四庫全書存目叢書·經部一四九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍印刷廠印製

787×1092 毫米 16 開本 51.875 印張

1997 年 3 月第 1 版 1997 年 3 月第 1 次印刷

印數 1—100

ISBN 7-5333-0580-9

Z·55 經部定價：66000 圓

經部第一四九冊目次

經部·五經總義類

說經劄記十卷

〔明〕蔡汝楠撰
浙江圖書館藏明天啓三年蔡武刻本

..... 一

五經異文十一卷

〔明〕陳士元撰
北京大學圖書館藏明萬曆刻歸雲別集本

..... 一九五

經繹十五卷

〔明〕鄧元錫撰
中國科學院圖書館藏明刻本

..... 二九五

說經劄記十卷

〔明〕蔡汝楠撰

浙江圖書館藏明天啓三年蔡武刻本

附《四庫全書總目·說經劄記

六卷》提要

重刻說經劄記叙

白石先生道德文章領袖一世甫舞
象即膺高第九載卽署擢守衡湘
出讀禮山中時所著說經劄記陶鑄
多士衡人向風既殺青贈灸有年矣
叙一

松宙于衡未知存否先生所蓄萬卷
俱燬此書亦不傳先大父茗泉公于先
生為內外兄弟平生相廟于性命之
學或至丙夜講究不輟不肖檢先立
遺簾是編歸然尚存望非斯文未

湮之緒義有神焉呵護者手家孫嗣
服因命剗剗新之存之家塾以詔來
茲不肖吳於先生內孫行也嗣服於宗又
兒女姻問序於案愧不文辭不獲命敬
叙曰自一畫筆於庖犧遞衍下暨子與

叙

炳、彪、經學蓋大明哉要使人理身
心善政事游教化而已是後經學盛
漢宋稱最故其人品治道與一時風
俗邁出羣代蓋聖人慮秘義密藏
無以喻於後世故寄之經焉以喻之

觀象於天地開物成務備於易精一
危微一中薪傳之統備於書興觀
羣怨事父事君備於詩表存明之是
非弭亂賊而扶玉綱備於春秋節陰陽
制歲數以養中和備於禮闡仁明學
與憫時近古之心備於論語經世宰
外王之道備於大學原窮性命立
內聖之根基備於中庸剖性善之宗
闡邪衛正備於孟子而漢宋諸儒學
經者非徒疏文義博聞見已也印之

於古矣必將會之於心體之於躬矣必
將推之於世故其養之盛則自進退
修默以至死生利害無不合於理其
施之粹則有易直子諒之心以行強教
悅安之以其仇之成則刑罰措其為教

教中

之善則上智中材皆可以守其入之深
則雖更衰世而不亂經學之效明彰矣
晚世士大夫初習一經並仕輒升髦焉
間有賢智者則漱六朝之餘芳或竊
二氏之緒論以漸免俗更未有濡首沉

志於經學者也獨先生卓然自推人趨
焉違病脩辭之渴心也嫉異說之眩
惑也懼傳會之失真也日取五經四書
研味之脫舊習以搜秘本實踐以立言
今創記其在簡而盡奧而顯核而裁

教中

嗟夫先生之於經也深矣夫離經而
欲之於道猶斷潢絕港幾幸而莫或
至焉然於執經以當道又如標月認
指見仙看扇將覩面而失月與仙也先
生曰經者所由以入道之徑也夫知道

之必由此入又知此僅為由入之徑是以
不離經復不執經嗟夫先生之於經也
可謂洞源擢髓矣聖人秘義密藏密
之於經者乃今大著於先生之說矣昔
輔嗣說易鍾會款服稚圭說詩聞者

無不

解頤象山說喻義喻利諸生至流渾
考亭亦於冬日揮扇試讀先生之說
有不躍然感動者耶其悟真故解多
特創其學遂放理明艮堂倘所稱印
之於古矣必會之於心體之於躬矣必推

之於世者乎先生端方純亮確然道義
自命質之唐川濂洛諸君子而無媿仕
宦所至有仁惠先德後刑說者謂漢
江都浙西四蹟焉衡湘士民翕然興
學向雅有西漢醇樸宋氏敦厚風皆

無不

先生有以作之也藉水深得方於經學
其理身心善政事泝教化必無以幾是
矣子與氏丁聖道熄滅之日牧逸文表
微言斷之以正經為務務愈著推尊
其切以為不在萬下今先生深思頓領

宗工而不專為文字之學良知得
餘婉而復端精于格致之實立德立言
考亭象山蓋已兼德條貫矣雖謂先生
切不在子與氏下可也夫言雖善非其
人弗傳矣不謂子若孫克繼緒者以

不

顯揚之則傳而弗永先生夙為世所師
範圍之以傳家孫嗣服又能無墜先人
遺言吾知是編之永於傳也

雒城後學臧昊如拜手撰



說經劄記序

昔自書契煥揚宇內錯綜群言九流以別三
極彙訓其名曰經經常道也聖人所以統天
地之心脩皇王之業者性命之準崇型范之
正使不諱於其常者也夫經以千萬數累世
不能通其學太史公已耻之嚮非達材通人
默識自得將有文滅質博溺心而不可以訓
諸理矣

說經劄記序

十

白石先生治衡之明年政平化舉乃出說經
劄記授師傅士弟子負校焉宦曰先生何為
作說經哉先生曰自綴學之士離去宗本碎
義逃難安其所習毀所不見終以自障此經
之大患也予甚懼焉與予制居山中時應答
諸生孫安國輩相與研訂而成也宦少耽藝
讀書至橫渠張子云心中有所開即便劄記
不思則還塞之矣先生斯編閱意眇旨要之

無抵牾聖人真洽見之津涉而通經之鈐鍵也將以寤後學之不思而還塞者意在斯乎意在斯乎宜聞之天皇之先與乾曜合元遂皇始出握機矩當是時有萬物無一經昉于伏犧則圖書卦是以其文籍寢興然其言黃帝顓帝之事不可明也成于東周然其心源神系不可惑也衍于四書然其叙道統不可改也礫裂于戰國焚于暴秦然其批言滅學

說經解

二

不可訓也濫觴于炎漢狀其經之流裔不可撥去也劇于唐明于南宋然其集諸儒之大成不可剪截也晦於胡元同文于

明興狀其治亂倚伏不可不察也夫古者出天苞吐地符垂皇策訖連山歸藏卦道演德故有易大庭以還逐人為辭唐虞初造歌詠六詩分于周故有詩三墳五典八索九丘與文字俱起故有書及冢璣語記太丁時事目為

夏殷春秋其先出於三代故有春秋自吉禮起神農五禮始黃帝姬旦制儀禮周官故有禮自伊耆氏肇蓍蒿軒啟雲門故有樂摠會六藝五教之要故有孝經興于中古元聖之作故有爾雅是故先王之陳迹天下之道自一而萬靡不畢載矣當此之時倣儻測靈之士莫不任性而履道其倥侗顓蒙者或因教而遵或懼而不敢叛亦疊疊焉期不詭乎大

說經解

三

道之中天下豈知何者為經我自易而下亦粹駁不齊未可皆謂之經故曰昉于伏犧夫唐虞以前雖有遺文語多不經故曰言黃帝顓帝之事未可明也夫聖王不作周室既東孔子興以聖德愍道之鬱滯博闕篇籍於是為之彖象繫辭文言序卦之屬摛三絕作十翼以贊周易為之陳四始五際六義之詳上采殷周下取魯以刪詩為之典謨訓誥誓命

之文自唐堯終秦繆以序書為之紀二百四十二年之行事徵一百一十七國之書紀十二公以文武之道始魯隱卒獲麟以修春秋定從周之禮使六典不墜正法韶之樂使八風不姦汪汪乎經之備也豈復曼漙而不可據哉夫六經既叙異題殊旨孔子慮道散作孝經所以明枝流分而本源一也爾雅釋言以下或云仲尼所增所以通訓詁而辨豹鼠

說經前記序

也故曰成于東周此皆好古之士信而述焉黜駁歸粹故可經矣若夫傳心同神古今三息雖百世不能惑也至於孔經曾傳繫括王道列諸三綱八目譔大學迄于子思原天命天載一性貫之不可滿岡譔中庸記仲尼微言喉衿六藝始於不愠終於知命蓋君子儒焉譔論語羽翼素王七篇四端在於拔邪糾正譔孟子大要以紹六經之教開聖人之道

道有醇源狀後教有真軌故曰衍于四書狀道統之叙雖百世不能改也嗟乎戰國從衡真屬角立雖經籍具在而七十二子散而師相諸侯友天下士得其傳者唯軻而已稍稍領聞若荀卿魯仲連田子方王蠋之徒自以言論風節表於俗天下猶賴秦雖燔百家之言以愚眚隸狀其經已泱冷人心不可泯畫故曰磔裂于戰國焚於暴秦若執言之售滅

說經前記序

學之厲此不可訓也漢興說易自淄川田何傳之有施孟梁丘京氏者流說詩自魯申培齊轅固燕韓嬰趙毛萇傳之有謝衛賈鄭者流說書自濟南伏勝傳之有歐陽大小夏侯者流說春秋自齊胡毋生趙董仲舒傳之有嚴顏尹何者流說禮自魯高堂生傳之有后倉二戴慶氏者流說樂自制氏傳之有竇公王禹者流以至孝經定於顏芝劉向爾雅補

於叔孫通梁文學庸二篇列於小戴記中註
于鄭玄論語名家于蕭望之張禹孟子註於
趙卿各以其業蓋出代作振於典文殘落
之間察其所以漢歷載四百是經之大驗也
故曰濫觴于炎漢一原十流言人人殊以不
可撥去也唐宋之盛未能明之微哉微哉五
胡分而金源侵其盛亂之極乎宋既南矣經
猶未明夷狄猶未珍朱子者出易作本義詩

戴維衡記序

木

作集傳書命蔡氏傳之春秋取胡傳禮作通
解樂取蔡書孝經因衛山胡侍郎玉山汪端
明之言作刊誤爾雅謂取傳註以作後人乃
以雅正傳註章句學庸集註論孟凡述釋論
辯以說經者不可勝原故使聖賢之文燭六
合耀萬世學者至今宗之故曰劇於唐明于
南宋若集成諸儒此不可翦截也及胡元之
季而經學蝕矣然朱子之學方播于朔南故

即律楚材進說周孔之教姚樞得傳於趙復
而許衡嗣出咸能匡主誨俗未可盡譽也
高皇帝徵儒稽經漸洗胡俗
文皇四書五經博存衆家

今上綱羅藝文列于學官使天下安瀾以永永
不易以開太平也故曰晦于胡元同文於
明興若夫一亂一治倚伏不常以不可不察也
因斯以談上關國運世治而非經不可以保

戴維衡記序

七

泰世亂而非經不可以傾否經之為用豈不
大哉夫經之實自吾心則不為贅疣經之文
自吾行則不為駢拇近世以學不講故悃幅
索善之俗微而集詬靡薄之習勝其於貧富
貴賤之地則修正刻廉之意少而健羨渙恣
之行多是以俗化澆淳而不古以經之賊也
何者繇古之士察舉于鄉閭故不得不篤于
砥行今之士選用於經藝故不得不篤于佔

畢由以觀之治亂以世邪正以學正學明則說經者皆身有之事正學晦則說經者皆未試之談是故君子精神命脉托諸言昌言所以載道也卓行所以範邦也霸儒者不通其指至有背經反傳創師心之論剽禪悟之緒詡詡然自號通經黨同門而妒道真豈不惑哉此有識者之所憫學士大夫之所悼也聞先生有異票年七歲而誦古文出語輒不凡

說經制屯序

長而大獵精於六經彌綸百氏獨泝昭曠余讀茲編仰見先生之學約文析義博旨敷暢考詳同異細繹新得摠其大較信明經之碩記也故讀說易使人識扶陽抑陰讀說詩使人識思無邪讀說書使人識精一讀說春秋使人識名分讀說禮使人識敬讀說樂使人識氣運虧盈讀說孝經使人識至德要道讀說爾雅使人識辯言讀說大學使人識明德

讀說中庸使人識誠讀說論語使人識一貫讀說孟子使人識性善執其禮要壹折衷以義理先生之學豈不克自神明哉先生自宜衡尊經貴學政暇詣近院弁集諸生之秀艾者先生正坐自講發揮性道諸生橫卷並聽執經問難于前論解閭閻秋秋響如振玉非徒引藻績辯躊躇駁而已也猶且品其文藝掄其德行抑奇袤而獎雅厚斥浮偽而矜狷節

說經制屯序

九

勸學崇化以為天下風矣先生教人說經之大者有旨哉有旨哉孔子曰入其國其教可知也故六經之學師保之義文翁之化邠始之烈者也自是石渠之論絃歌之膏洋洋乎溢于蒸湘矣豈非先生遺教好學之國哉苟刺經者循之以詳世取寵是先生之憂也先生洞心理學著有太極問答余謂太極即六經四書所言性與天道非性天道之外別有

太極也於乎濂溪倡學湖南顯于圈圖故紹而明之至於先生乎故求經之統潛心致知獨師友太極而不落霸局不為章句所役正學之興可倚而俟也按先生為政明於大體苦節可貞用易不畏強禦用詩不虐無告用書舉習鄉射用禮時使薄斂用中庸節用愛人用論語出愷悌行簡易可不謂善用經哉若竅言漂說顓顓刀筆筐篋非所以論賢者

說經制記序

十

也大歸士氣盛

國家元氣亦盛經化洽則民風樂法令極則民風哀識治者卜世焉余願款塞響風使兵革藏矣使天下皆誦孝經選吏皆舉孝廉矣竊懼宿儒弛揖讓之容後生眩金鼓之聞是以陶鑄天下津梁萬物正經息邪繇我

皇綱先生毋讓焉先生抱遺經之樞鑰繫名教之綱鉤蒐孔朱之軌躅導濂溪之澤奧瓊玖

在筭啟耀久矣兩庠博士未索序宦曰昔孔子西藏書于周室緒十二經以說老聃先生善學孔哉刻成藏其副于衡岳洞庭以俟知言君子宦也望洋心疑就正有道樂經學之逢涌而卜太平之原也敬書之以相質
嘉靖庚戌冬十月壬申日
賜進士第禮部儀制司主事敬菴劉宦撰

說經制記序

十一

說經劄記題辭

汝楠自筮仕至今居郎曹八九
年持服歸山中先後七年郎曹
晏閒山中禪服而後輒因過從
士友談說經術劄記云者以所
談說筆之於書者也汝楠守衡

題辭一

州之明年兩庠師生固請說經
復請劄記訂之既竟汝楠告之
曰經常道也一曰所由以入道
之徑也夫道者性之所就也性
者大之所就也經常之道同體
共由未畫之前正經之後其道

一也必曰所由以入道之經

何也世道推移而經文次與孔
子大聖人也曰假年學易可以
無大過虞訓雅言聞詩聞禮志
在春秋祖述堯舜反魯正樂雅
頌得所千聖心學孔門會而通

題辭二

之歸于博約以其準也惟經學
本明而說經者自謬於聖人或
因性靈微明浪自驚異為之言
曰六經註我者也知則無事矣
因以糠粃六經是知有明覺之
本然而昧於本然之全體以興

以植以融以通具之於心而契之於經心非內也藉之乎經而會之於心經非外也惟不由道故不知經綽略影響卒不能窺聖人大中至正之極致其究離經而淪於空虛者也知聖經之

精微而仰瞻聖人神化不測自安他道以規小成是知經學之妙而不知興之立之樂之趨之良心發見之端充而致之常道可盡而聖域可幾自外大道由其蹊徑至於緣以論議而不能

反躬訓釋名義而無裨至理其究悖經而逐於事物者也夫明白要約而非易精深神變而非難者經教之體也不離乎經而淪於空虛不悖於經而逐於事物者說經之則也易之言曰聖

人立象以盡意而歸之默而成之不言而信存乎德行孟氏曰博學而詳說之將以反說約也宋儒楊氏曰六經之義驗之於心而然施之於行事而順然後為得驗之於心而不然施之於

行事而不順則非所謂經義學
者合而致思焉則知所以尊經
而造道矣乃若創記則袖繹有
年難免固陋聊與初學共訂說
經之義嗚呼罪我者其以是夫
使我知罪而終不敢離悖者其

題辭

以是夫

嘉靖庚戌冬十月德清白石山
人蔡汝楠

說經劄記

目錄

一卷

說易記

二卷

說書記

三卷

說詩記

四卷

說春秋記

五卷

說禮記記

周禮 爾雅 孝經

六卷

說論語記

七卷

說大學記

八卷

說中庸記